



1. Երկինքը Աստծո փառքը կպատմե,
Արև, աստղեր կխոսեն Իր մասին,
Աստված Իր խոսքը մեզի կհայտնե,
Ինչպես հայտնվեց լույսը խավարում:
 Չկա գրույց, չկան նաև խոսքեր,
 Բայց երկիրը լեցուն է Իր խոսքով,
 Արդյո՞ք պատրաստ են այսօր ձեր սրտերն՝
 Ընդունելու Արարչի մեծ փառքը:
2. Երկիրը Իր զորությունով շինեց,
Աշխարհը իմաստությունով հիմնեց,
Ամեն ինչ ուղղության մեջ Նա դրեց,
Բայց մարդը Աստծուց հրաժարվեց:
 Հաշտվիր այսօր, ո՛վ սիրտ դու մարդկային,
 Միջնորդ է քեզ Որդին աստվածային,
 Նա քեզ համար խաչափայտին գամվեց,
 Հաշտվիր, քանի ժամանակ է տվել:
3. Նոր երգ երգենք Աստծո մեծ փառքին՝
Հոժարակամ խոնարհվելով Խոսքին,
Ոչ միայն գեղեցիկ, լավ խոսքերով,
Թող փառավորվի Աստված մեր կյանքով:
 Բաժին ունենք այսօր մենք Հիսուսից,
 Հաղորդ եղանք աստվածային լույսին,
 Ուրախությամբ, երանությամբ լեցուն
 Փառավորենք Հիսուսի սուրբ անունն: